



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 50. Væ autem homini illi per quem filius hominuis tradetur.

urn:nbn:de:hbz:466:1-45533

30 PASSIO DOMINI N. SECUNDUM MARCUM

collegij totius infamia, valde turbatos & suspensos ne forte dissenso & sus-
picio mala inter eos oriretur, noluit pius Dominus eos diutius suspensi
tenere, sed signo significauit, quis esset dicens: qui intingit mecum manum in
catino: unde prudentioribus omnino videtur Judas eo memento cum
Christo in patinam alicuius iuscui, acetii vel falsamenti intinxisse: sed quia
idei faciebant subinde alij Apostoli forte ex hisce verbis Christi Iudam
proditorē ab eo signatum, certe cognoscere nequiuierint, sed tantum pro-
babiliter. Quia in te in mentem venire potest Catholico Vtraquistorum
cum Iuda damnatio, nam proditor intingendo detegitur quasi dicat Intin-
ctores nostri temporis, qui Calicem & bibitionem adeò urgent pro plebe
esse de familia Iuda. Quare autem Iudam non nominavit Christus, nec
videtur causæ, 1. vt eius famæ tenerimè consuleret, nosque idem pro-
mis facere doceret, 2. ne Petrus & Apostoli in Iudam insurgerent, eumque
discerperent, 3. vt Iudam hac lenitate & charitate ad pœnitentiam prou-
caret, & ideo minas statim subiunxit, si non ageret pœnitentiam, dicens.

§. 49. Et filius quidem hominis vadit, sicut scriptum est de eo. v. 21.

Vadit ex necessitate finis triplici ratione, primo quidem ex parte no-
stra, quia per eius passionem liberati sumus Ioannis 3. Oportet exaltari filium
hominis, ut omnis qui credit in eum non pereat, sed habeat vitam aeternam, 2. ex pa-
rti ipsius Christi qui per humilitatem passionis meruit gloriam exaltationis ad
dextram patris. Luc. 2. Nonne oportebat Christum pati & sic intrare in glori-
am suam. 3. ex parte Dei cuius definitionem circa passionem Christi prenu-
tiataam in scripturis & praefigurataam, in obseruantia veteris Testamen-
tis portebat impleri, nempe in Lege: Moysi & Prophetis & psalmis in quibus
scriptum est & sic oportebat Christum pati & resurgere a mortuis. Luc. 22. 24.

Sed quo vadis Domine? quod sine ministris properas Pontifex sancte
Audi & attende fili; vado novum foedus sanguine meo confirmare, re-
demptionis tuæ opus consummare, voluntatem patris perficere: Huc va-
do. Hoc cibus meus est & unicum desiderium animæ meæ. Ergo mihi Deus
vadis pro me vt audio ad crucem, tormenta, mortem? ad me reconcilian-
dum patri, ad me reducendum ad me purgandum nescio quid hic dicam.
Frater pro fratre vix audet mori, & tu Dominus meus & Deus meu
pro me vadis mori? A. A. A. Domine nescio loqui.

§. 50. Va autem homini illi per quem filius hominis tradetur.

Quia Christus repetit filium hominis insinuare voluit grauitatem
peccati & enormitatem, puniendam acerbissime nisi resipuerit in tempore
unde minatur vita & aeternum vitæ, quia non solum tradet simplicem ho-
minem Iudas sed Deum hominem, conceptum de Spiritu Sancto, natum

ex Matia Virgine: non enim hominem reparare potuit nudus homo, qui & ipse esset peccatis obnoxius & debitor Deo pro suo proprio peccato, ex quo displicebat diuinæ Maiestati, omnes enim peccauerunt ait Paulus & egent gratia Dei: neque hanc redēptionis humānæ & economiam subire debuit Deus putus, qui non offendebat: sed erat pars lēsa: neque Angelus quia non habet proportionem ad satis faciendum pro tam magno malo hominum omnium qui peccauerant: id est, non potuit Angelus huiusmodi satisfactionem condignā Deo exhibere, quia non habet Angelus in se dignitatem quantam requirit tota humana natura, quæ auerfa à Deo, debuit reduci per aliquid ei præponderans, dignius & perfectius, quam sit tota generis humani propagatio. In hac igitur ineffabili unitate Trinitatis, cuius in omnibus communia sunt opera atque iudicia reparationem humani generis propriè filij persona suscepit, ut quoniam ipse est, per quem omnia facta sunt, & sine ipso factum est nihil (quippe plasmatum de limo terræ hominem, statu vitæ rationalis animauit) idem naturam nostram ab æternitatis arce deiecit, amissæ restituebat dignitati, & cuius erat conditor etiam esset reformator: Bene igitur tanta persona Traditori suo minata est, & ob enormē crimen, horribile & tremēndūm vñ.

O Altissime & Omnipotens Creator quid hic dicam? obsecro te ne audiām unquam ex te æternū Vñ, sed ut hoc audire non merear, dā obsecro gratiam ne vel Te vel Sancta tua indigne usurpando unquam prodam. Sed cor meum omni qua possum facultate te laudet, tibi gratias agat impendioq; exultet spiritus meus in laude tua & te magnificet anima mea quia gratia tua magna est super me, & super omne quod est homo, quod Saluator eius effectus sis, homo Deus.

§. 51. Bonum erat ei, si non esset natus homo ille. v. 27.

Propter illud impendens Vñ. bonum erat ei natum non esse, quia melius est individuo non esse quam tam male esse nempe æternū in inferioribus terræ partibus occulsum, vbi sempiternus horror inhabitat nulla lux, dies nulla, tempus nullum, nulla quies, gaudium nullum, nulla redēptionis spes, nulla fides, spes aut charitas; consilium nullum, intellectus confusus, voluntas pessima, sola deplorandorum memoria, ignis ardentissimus, sulphure & pice accensus, intolerabilius glacie frigus, nullus ordo, clamor immanis, continuus ciuitatus & ploratus, maledictiones in Deum sanctos & parentes, & socios peccatores, desperationis signa plurima, contumeliaz, horribiles dæmonum aspectus, verberationes, illusiones, & punēturæ: per quæ enim quis peccauit per hæc & punietur à Carnificibus illis infernalibus imo à se ipso sine cessatione aut mora in sempiternum.

Opus